



Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

Klub zastupnika/ca Naše stranke u Zastupničkom domu Parlamenta Federacije Bosne i Hercegovine

Broj: \_\_\_/19  
Sarajevo, 01.10.2019.

**Dostaviti:**

Bosna i Hercegovina  
Federacija Bosna i Hercegovina  
Parlament Federacije BiH – Zastupnički dom  
n/r Mirsad Zaimović, predsjedavajući

**PREDMET: AMANDMANI NA PRIJEDLOG ZAKONA O RAČUNOVODSTVU I  
REVIZIJI FBiH**

**AMANDMAN I**

U članu 10. iza stava 2. dodaje se novi stav 3. koji glasi:

„Račun koji služi kao knjigovodstvena isprava, a izdan je od strane poduzetnika ne mora biti potpisan ako je sastavljen na način koji uređuju porezni propisi te sadržava ime i prezime osobe koja je odgovorna za njegovo izdavanje“

**OBRAZLOŽENJE**

Izmjena je u cilju unaprjeđenja elektronske komunikacije u uvođenja novih tehnologija. Na ovaj način olakšat će se poslovanje i domaći poslodavci neće biti u nepovoljnijem položaju u odnosu na inostrane. Važno je napomenuti da zakoni zemalja u okruženju također poznaju ovakve odredbe te da je neophodno i u našem zakonodavnom sistemu omogućiti da isprava koja je primljena e-mailom a koja nije potpisana i opečaćena da će se smatrati validom. Kao argumet više je činjenica da inostrani dobavljači izdaju, odnosno šalju fakture e-mailom bez potpisa i pečata i to je već uobičajena praksa, te je jako teško odbiti takvu fakturu.

**AMANDMAN II**

U članu 15. u stavu 1. riječi „gdje se na osnovu nje izdaje nalog za knjiženje“ se brišu.

**OBRAZLOŽENJE**

Predložena izmjena je u cilju prilagođavanja modernim informacionim sistemima za finansijsko upravljanje. U SAP sistemu većina procesa je međusobno povezana, npr. od početka

pokretanja postupka nabavke pa do evidentiranja poslovnih promjena u glavnu knjigu. Pri tome su već unaprijed određene sheme knjiženja, te nema potrebe da se posebno formira nalog za knjiženje. Odabirom ispravnih transakcija vrši se evidencija poslovnih promjena. Za veliki broj transakcija koje su uobičajene za poslovne procese i koje se ponavljaju definisana su automatska knjiženja (npr. učitavanje bankovnih izvoda).

### AMANDMAN III

U Članu 22. stav 5. broj „45“ se brojem „30“.

#### OBRAZLOŽENJE:

Rok za izvještaj o sačinjenom popisu je predug, jer se podaci o popisu trebaju uključiti u rezultat poslovne godine, i onda od roka za popis do godišnjeg obračuna ima jako malo vremena.

### AMANDMAN IV

Člana 28. Stav 2. se u potpunosti mijenja i treba da glasi:

*„Subjekti od javnog interesa obavezni su izvršiti procjenu vrijednosti ukupne imovine i kapitala sa stanjem na dan kada završava poslovna godina u kojoj počinje primjena ovog Zakona, a nakon izvršene prve procjene najmanje jednom u svake 4 godine, te izvještaj o izvršenoj procjeni učiniti javno dostupnim.“*

#### OBRAZLOŽENJE:

U tekstu Prijedloga nije jasno definisano ko određuje potrebu i po kojim parametrima? Zašto su obavezni, po potrebi? Subjekti od javnog interesa, a posebno javna preduzeća u praksi često imaju podcijenu vrijednost nepokretnosti te stoga i nerealno iskazanu vrijednost vlasničkog kapitala. Stoga bi bilo neophodno da se u ovom Zakonu jasno definiše način na koji se propisuje obaveza procjene vrijednosti imovine i kapitala. Zbog smanjivanja troškova poslovanja koji bi eventualno nastali angažmanom ovlaštenih procijenitelja potrebno je odrediti i period kada se ta obaveza mora ispuniti. Prema iskustvima iz prakse i promjenama na tržištu svrsishodno bi bilo da se procjena imovine izvrši najmanje jednom u svake 4 godine, počevši od kraja godine u kojoj počinje primjena ovog zakona.

### AMANDMAN V

U članu 30 u stav 3. brišu se riječi „da je istu moguće u svakom trenutku odštampati na papir i mora se potpisati elektronskim potpisom u skladu sa propisom o elektronskom potpisu ili se mora odštampati na papir i uvezati na način da nije moguća izmjena pojedinih ili svih njenih dijelova ili listova i mora je potpisati i ovjeriti lice ovlašteno za zastupanje pravnog lica i na kraju odložiti“.

## OBRAZLOŽENJE

Brisati dio koji kaže da poslovne knjige koje se vode elektronski moraju biti potpisane elektronskim potpisom zato što u BiH još nije formirano posebnog certifikacionog tijelo nadležno za izdavanje elektronskih potpisa, te nije moguće obezbijediti elektronske poslovne knjige sa elektronskim potpisom što nameće potrebu za štampanjem poslovnih knjiga a što je nepotrebno ako su poslovne knjige nakon zaključivanja na kraju poslovne godine, zaštićene na način da u istoj nije moguća izmjena pojedinih ili svih njenih dijelova ili listova.

Također, brisati dio koji se odnosi na obavezu štampanja poslovnih knjiga.

U SAP sistemu omogućen je uvid u glavnu knjigu po periodima knjiženja. Razdoblje za knjiženje se otvara i zatvara uz saglasnost rukovodioca Sektora za računovodstvene poslove. Informatičkim putem se može provjeriti kada su vršene bilo koje izmjene u poslovnim knjigama. SAP sistem onemogućava trajno brisanje dokumenata. Sve izvršene izmjene ostaju evidentirane u sistemu.

Štampanje poslovnih knjiga je u ovakvom sistemu nepraktično i nepotrebno i stoga smatramo da je naša primjedba opravdana i da je potrebno izmjeniti predloženu odredbu.

### AMANDMAN VI

Član 32. Stav 2 brišu se riječi: „*koji imaju sve potrebne resurse za pravilno, kvalitetni i efikasno obavljanje tih usluga*“.

#### OBRAZLOŽENJE:

Nije jasno definisano o kojim resursima se u ovom konkretnom slučaju radi.

U ovom zakonskom prijedlogu su ranije jasno definisane obaveze, prava i zvanja lica koja su kvalificirana za sačinjavanje finansijskih izvještaja.

### AMANDMAN VII

U Član 38. brišu se riječi: „*kao i kvalificirano lice iz člana 32. ovog zakona koje je sačinilo i potpisalo finansijske izvještaje u skladu sa pravilima struke*.“

#### OBRAZLOŽENJE:

Odgovornost kvalificiranog lica za finansijske izvještaje, odnosno certificiranog računovođe i direktora nikako ne smije biti ista. Kvalificirana lica nemaju uvid u sve što je pozadina i sadržaj finansijskih izvještaja, nego samo ono što im direktor i ostali usposlenici daju na uvid.

### AMANDMAN VIII

U članu 57. iza stava 2. dodaje se novi stav 3. koji glasi: „*Obaveznoj reviziji iz prethodnog stava ne podliježu finansijski izvještaji i konsolidirani finansijski izvještaji pravnih lica koji*

*imaju jednog ili dva vlasnika, od kojih je jedan vlasnik istovremeno i direktor, osim ukoliko to jedan od njih izričito ne zahtjeva.“*

Stavovi 3., 4., 5. i 6. postaju stavovi 4., 5., 6. i 7.

## OBRAZLOŽENJE

Budući da je osnovna svrha revizije zaštita vlasnika kapitala, a potom i zaštita, potencijalnih investitora, kreditora i poslovnih partnera, postavlja se pitanje da li je navedeno rješenje u javnom interesu. Naime, prema Nacrtu Zakona o računovodstvu i reviziji u članu 5. stav 3. srednja pravna lica su ona koja na dan sastavljanja finansijskih izvještaja ispunjavaju najmanje dva od sljedećih uslova: prosječan broj zaposlenih u toku godine je do 249, prosječna vrijednost poslovne imovine na kraju poslovne godine iznosi do 20.000.000,00 KM, ukupan godišnji prihod iznosi do 40.000.000,00 KM.

Radi se o kompanijama sa, u pravilu, malim brojem vlasnika, gdje je u najvećem broju slučajeva, vlasnik i direktor, sa relativno malim brojem radnika, malom imovinom i relativno malim prometom, tako da, po našem mišljenju ne postoji javni interes da se vrši obavezna revizija.

Kao što se vidi ili se obavezna revizija ne vrši u srednjim preduzećima ili se vrši samo ukoliko su njihove dionice na berzi, ili se pripremaju za izlazak na berzu, odnosno sa imovinom većom od 2 miliona eura, te godišnjim prometom većim od 4 miliona eura.

Predloženim rješenjem omogućava se i ravnopravan položaj na tržištu, srednjih preduzeća sa drugim takvim preduzećima u BiH, te preduzećima iz okruženja i zemalja EU, koji ne moraju da plaćaju troškove revizije.

S poštovanjem,



Klub zastupnika/ca Naše stranke